



Broj: 03/3-50-1-9-11/09  
Sarajevo, 16.06.2009.

**Z A P I S N I K**  
**11. sjednice Zajedničke komisije za ekonomske reforme i razvoj,**  
**održane 16.06.2009. godine**

Sjednica je počela u 12 sati i 30 minuta.

Sjednicom je predsjedavao g. Zoran Koprivica, predsjedavajući Komisije.

Sjednici su prisustvovali: g. Bajazit Jašarević, g. Mehmed Suljkanović, g. Ivo Miro Jović, g. Hadži Jovan Mitrović, g. Hazim Rančić, g. Rudo Vidović, članovi Komisije.

Sjednici su, ispred Agencije za promociju stranih investicija BiH (FIPA), prisustvovali gđa. Blaženka Mišković, zamjenik direktora g. Vesko Drljača, sekretar, gđa. Slavica Korica, pomoćnik direktora za promociju i analizu i gđa. Maida Bećirević, pomoćnik direktora za podršku i razvoj. Sjednici su prisustvovali i g. Mirko Dejanović, zamjenik direktora Izvozno kreditne agencije Bosne i Hercegovine, gđa. Lada Mujkić i gđa. Ivana Smiljanić, USAID – Projekat jačanja Parlamenta, g. Amer Bekrić, sekretar Zajedničke komisije za ekonomske reforme i razvoj oba, te gđa. Medina Delalić iz Sektora za odnose sa javnošću.

Prije odražne sjednice Zajedničke komisije za ekonomske reforme i razvoj, članovi Komisije: Bajazit Jašarević, Ivo Miro Jović, Mehmed Suljkanović, Zoran Koprivica i Rudo Vidović, su prisustvovali i sjednici Zajedničke komisije za evropske integracije, koja je održana isti dan, u periodu od 11 sati do 12 sati i 30 minuta, a na kojoj je razmatrana Informacija Direkcije za evropske integracije o korištenju predpristupnih fondova Evropske unije.

Za sjednicu je predložen i jednoglasno usvojen sljedeći sljedeći

**D N E V N I R E D**

1. Usvajanje Zapisnika sa 10. sjednice Zajedničke komisije;
2. Analiza provedbe zaključaka usvojenih na 10. sjednici Zajedničke komisije;
3. Prezentacija aktivnosti Izvozno kreditne agencije Bosne i Hercegovine;
4. Deklaracija o budućoj saradnji parlamenata zemalja zapadnog Balkana i plan aktivnosti novoosnovane Regionalne mreže parlamentarnih odbora za ekonomiju zemalja regiona – Zaključci i preporuke konferencije „Uloga parlamenata u pokretanju i podsticanju konkurentnosti i privrednog rasta kroz unapređenje poslovnog okruženja u zemalja zapadnog Balkana“ Beograd, 6-7. mart 2009. godine;
5. Tekuća pitanja

**Ad.1.**

**Usvajanje Zapisnika 10. sjednice Zajedničke komisije za ekonomske reforme i razvoj**

Zapisnik 10. sjednice Zajedničke komisije za ekonomske reforme i razvoj je jednoglasno usvojen.

## Ad.2.

### Analiza provedbe zaključaka usvojenih na 10. sjednici Zajedničke komisije

**G. Zoran Koprivica** se u uvodnom obraćanju osvrnuo na zaključke usvojene na 10. sjednici Zajedničke komisije, te izvršio analizu stepena realizacije zaključaka.

**G. Vesko Drljača** se osvrnuo na usvojene zaključke koje se odnose na FIPA-u, te je u smislu njihove realizacije dostavio akt, broj: 01-50-440/09 od 15.06.2009. godine. Ovima aktom, te u izlaganju g. Drljače, je naglašena potreba:

- uticaja Komisije na faktore (institucije u BiH i medije) da djeluju u pozitivnom smjeru i ističu pozitivne primjere poslovanja u BiH;
- uticaja na poboljšanje poslovnog okruženja kroz užu saradnju sa Svjetskom Bankom i njihovim stručnim timom „Doing business“, kako bi se provele tražene reforme i BiH poboljšala svoj položaj i rejting;
- omogućavanja osnivanja one-stop-shopova, te da se dozvoli da FIPA može biti servis stranim investitorima, da joj se omogući prikupljanje i izrada neophodnih dokumenata za registraciju biznisa, te
- ukidanje zahtjeva za pribavljanje odluka opština o namjeravanoj djelatnosti, kako bi se skratilo vrijeme za otpočinjanje poslovnih aktivnosti.

U diskusiji koja je uslijedila, učestvovali su **g. Bajazit Jašarević**, koji podržava pristup iznesenih mjera, ali smatra da iste moraju biti detaljnije razrađene (kao elaborati, odnosno projekti, koje će pripremiti vlade na različitim nivoima), te da se, iako to nije u striktnoj nadležnosti FIPA-e, iste trebaju odnositi i na inostrana i na domaća ulaganja, odnosno, generalno na popravljanje poslovnog ambijenta u BiH.

**G. Ivo Miro Jović**, smatra da su predložene mjere deklarativne naravi. Predložio je da do sredine 11. mjeseca ove godine, FIPA dostavi konkretizaciju svojih prijedloga (analiza stanja i informacija sa naglašenim zadacima zakonodavne i izvršne vlasti), baziranu na primjerima pozitivnih i negativnih iskustava u radu Agencije, kao i da u pripremama ovih mjera, FIPA koordinira svoje napore sa g. Ćosićem, Koordinatorom za reformu poslovnog okruženja u BiH (ispred VM BiH).

Nakon provedene diskusije, na prijedlog g. Koprivice jednoglasno su usvojeni sljedeći **ZAKLJUČCI**:

- a) **Obavezuje se sekretar da za svaku narednu sjednicu Zajedničke komisije, priprema analizu realizacije usvojenih zaključaka, tabelarno, u pisanoj formi;**
- b) **Prihvata se prijedlog mjera koje je FIPA dostavila Zajedničkoj komisiji svojim aktom broj: 01-50-440/09 od 15.06.2009. godine;**
- c) **Zadužuje se FIPA da, do sredine 11. mjeseca tekuće godine, uz detaljnu analizu, dostavi konkretizaciju svojih prijedloga mjera, baziranu na primjerima pozitivnih i negativnih iskustava u radu Agencije, kao i da u pripremama ovih mjera, FIPA koordinira svoje napore sa g. Ćosićem, Koordinatorom za reformu poslovnog okruženja u BiH (ispred VM BiH), te da se na taj način stvore uslovi da se ispoštuje zaključak sa prethodne sjednice Zajedničke komisije, kojim se zaključilo da se nakon razmatranja ovih mjera i njihovog usvajanja, iste kao prijedlog dostave Vijeću ministara na usvajanje, odnosno kao dopunu akta o mjerama za prevazilaženje ekonomske krize u BiH.**

## Ad.3.

### Prezentacija aktivnosti Izvozno kreditne agencije Bosne i Hercegovine

**G. Mirko Dejanović**, zamjenik direktora, je izvršio prezentiranje rada Izvozno kreditne agencije Bosne i Hercegovine (IGA). Ujedno g. Dejanović je članovima Zajedničke komisije dostavio

dokument Finansijskog izvještaja za 2008. godinu, sačinjen u skladu sa međunarodnim standardima finansijskog izvještavanja i Izvještaj nezavisnog revizora.

Nakon izlaganja na ovu temu uslijedila je diskusije u kojoj su učestvovali **g. Ivo Miro Jović** koji je, ocjenjujući prezentaciju odličnom i dobrodošlom za rad Komisije, postavio pitanja koja se odnose na selektivnost u pristupu kompanijama koje se bave izvozom.

**G. Rudo Vidović** je, podsjećajući da su dosadašnji Izvještaji o radu IGA-e usvajani na parlamentu bez rasprave, ocjenio predstavljanje izuzetno uspješnim i dobrodošlim, te postavio pitanja koja se odnose na efikasnost rada Agencije (u smislu pružanja pomoći od strane PS BIH), kao i na nedostatke zakonske regulative u oblasti bankarstva, u smislu nesprenosti poslovnih banaka na veći plasman sredstava za podršku izvozu.

**G. Mehmed Suljkanović** se pozitivno osvrnuo na rad IGA-e.

**G. Mirko Dejanović** je dao odgovarajuća pojašnjenja u smislu fluktuacije interesa i spremnosti banaka na saradnju u zavisnosti od raspoloživosti finansijskih sredstava, kao i nepostojanja selektivnosti u pristupu kompanijama koje se bave izvozom.

Nakon provedene rasprave na prijedlog **g. Koprivice** jednoglasno su usvojeni sljedeći **ZAKLJUČCI:**

- a) **Prezentacija rada Izvozno kreditne agencije Bosne i Hercegovine (IGA), uključujući dokument Finansijskog izvještaja za 2008. godinu, sačinjen u skladu sa međunarodnim standardima finansijskog izvještavanja i Izvještaj nezavisnog revizora, se prima k znanju.**
- b) **U smislu uspostave čvršće saradnje sa Izvozno kreditnom agencijom Bosne i Hercegovine (IGA), Zajednička komisija za ekonomske reforme i razvoj, sa zadovoljstvom prihvata poziv **g. Dejanović** da se, u narednom periodu, upriliči posjeta IGA-i.**
- c) **Poziva se Izvozno kreditna agencija Bosne i Hercegovine da se obrati Zajedničkoj komisiji za ekonomske reforme i razvoj, u smislu eventualnog dostavljanja konkretnih prijedloga za donošenje propisa, kojim bi se unaprijedio rad IGA-e, odnosno dodatno stimulisao domaći izvoz.**

#### **Ad.4.**

**Deklaracija o budućoj saradnji parlamenata zemalja zapadnog Balkana i plan aktivnosti novoosnovane Regionalne mreže parlamentarnih odbora za ekonomiju zemalja regiona – Zaključci i preporuke Konferencije „Uloga parlamenata u pokretanju i podsticanju konkurentnosti i privrednog rasta kroz unapređenje poslovnog okruženja u zemalja zapadnog Balkana“ Beograd, 6-7. mart 2009. godine**

U uvodnom izlaganju **G. Zoran Koprivica** je upoznao članove Zajedničke komisije sa predmetnom Deklaracijom, te zaključcima i preporukama Konferencije, te je jednoglasno usvojen **ZAKLJUČAK:**

**Deklaracija o budućoj saradnji parlamenata zemalja zapadnog Balkana i plan aktivnosti novoosnovane Regionalne mreže parlamentarnih odbora za ekonomiju zemalja regiona – Zaključci i preporuke Konferencije „Uloga parlamenata u pokretanju i podsticanju konkurentnosti i privrednog rasta kroz unapređenje poslovnog okruženja u zemalja zapadnog Balkana“ Beograd, 6-7. mart 2009. godine, se primaju k znanju.**

## **Ad.5.**

### **Tekuća pitanja**

Vežano za planiranu posjetu Agenciji za statistiku BiH, usvojen **ZAKLJUČAK da se, umjesto posjete, pozove Agenciju za statistiku BiH da izvrši prezentaciju svog rada na jednoj od narednih sjednica.**

Vežano za Informaciju Direkcije za evropske integracije o korištenju predpristupnih fondova EU, usvojen je **ZAKLJUČAK da Zajednička komisija za ekonomske reforme i razvoj prima k znanju Informaciju Direkcije za evropske integracije o korištenju predpristupnih fondova Evropske unije.**

Sjednica je završena u 14,30 sati.

Sekretar Komisije

**Amer Bekrić**

Predsjedavajući Komisije

**Zoran Koprivica**